

Oculi maris magni, valde convexi, granulati, fere usque ad gulam extensi. Rostrum apicem mesosterni vix superans, nigropiceum, basi articuli secundi articuloque primo virescentibus, hoc caput paullulum superante. Antennae paullo infra secundam trientem oculorum interne insertae, articulo primo apicem clypei superante, annulo angustissimo subbasali margineque apicali tenuissime fuscescentibus. Pronotum basi longitudini paullo magis quam duplo latius, apice longitudine fere aequale lato, callis discretis. Hemelytra maris abdomen longe superantia. Alae hamo areolae a vena sustensa emissae. Tarsi postici articulis duobus ultimis aequale longis, unguiculis aroliis illis parum brevioribus, apicem versus distantibus.

13. *Malthacosoma adpersum* n. sp.

Albidum, opacum, capite, pronoto scutelloque sat dense, hemelytris parcius albopubescentibus, pilis facile divellendis; hemelytris ubique punctis sat magnis fusco-virescentibus irregulariter minus dense adpersis, his punctis hic illic magis aggregatis areas innotatas saepe circulares inter se formantibus, membrana cum areolis albido-hyalina, venis pallide sulphureis, limbo exteriori ab apice areolarum levissime infuscato, macula hyalina inter aream minorem et apicem cunei; abdomine virescente; femoribus tota longitudine punctis sat magnis virescenti-fuscis sat parce adpersis, anticis fere innotatis; tibiis spinulis brevibus nigris, usque ad medium tibiarum posticarum e punctis nigris nascentibus. Long. ♀ $3\frac{1}{2}$ mm.

Transcaspia (Ashabad!), D. Ahnger (Mus. Helsingf.).

A *M. punctipenni* Reut. hemelytris irregulariter nec aequaliter minus dense punctatis, punctis multo majoribus, etiam punctis femorum majoribus. Caput nutans, basi pronoti circiter $\frac{1}{4}$ angustius, ab antico visum latitudine capitis cum oculis parum brevius (♀), a latere visum altitudine paullulum longius, clypeo prominente, lato, gula horizontali, vertice (♀) oculo circiter duplo latiore. Oculi (♀) in capite oblique positi, in genas sat longe extensi. Rostrum basin terebrae feminae attingens, apice nigro. Antennae ad apicem antennarum interne insertae, articulo primo apicem clypei aubattigente, secundo margine